

## 1 KORINT

### JEPTA 1

- [1Ko 1.1] Paul, emōj kūr e bwe en ri jelōkan Jijej Kūraij kōn ankilaan Anij, im Sostenis jatiō,
- [2] Ñan eklejia an Anij, eo ej pād i Korint, ñan ro re kwōjarjar ilo Kūraij Jijej, emōj kūr er bwe ren ri man, kab ro otemjej rej jar ilo etan ad Irooj Jijej Kūraij ijo ko otemjej, aer Irooj kab ad:
- [3] Jouj ñan kom im aenōmman jān Anij Jemed im Irooj Jijej Kūraij.
- [4] Ij kam̄oolol aō Anij iien otemjej kōn kom, kōn jouj an Anij eo emōj lewōj ñan kom ilo Kūraij Jijej;
- [5] Bwe ilo men otemjej kom ar m̄weiie ilo E, ilo naan otemjej, im ilo jelā otemjej;
- [6] Āinwōt emōj kapen kōnnaan kōn Kūraij ilo kom:
- [7] Āindein kom jab ettā jān ro jet ilo jabdewōt men in letok, ke komij kattar an itok ar Irooj Jijej Kūraij;
- [8] Eo e naaj kapen kom ñan jem̄lokōn, bwe en ejjelok notami ilo raan in ae Irooj Jijej Kūraij.
- [9] Anij e tiljek, Eo e ar kūr kom ñan kōm̄mao an Nejin Jijej Kūraij ad Irooj.
- [10] □A ij akweļap ñan kom, ro jatiō, kōn etan ad Irooj Jijej Kūraij, bwe komwin otemjej kōnono āinwōt juon, im bwe en ejjelok jepel ioļōpemi; a bwe komwin jimor weepan ļok ilo juon ļōm̄nak im juon pepe.
- [11] Bwe jet iaan ro nukwin Kloe raar kōnnaanōk eō kōn kom, ro jatiō, bwe ewor akwāāl ippemi.
- [12] Kiiō ij ba men in, bwe jabdewōt iaami ej ba, Ña doon Paul; im ña doon Apollōs; im ña doon Sipas; im ña doon Kūraij.
- [13] E jepel ke Kūraij? ar debwāāl Paul kōn kom ke? ak emōj peptaij kom ilo etan Paul ke?
- [14] Ij kam̄oolol Anij bwe I ar jab peptaij jabdewōt iaami, eļañne jab Krispōs im Geiōs;
- [15] Bwe ejjelok en ba ar peptaij kom ilo eta.
- [16] Im barāinwōt I ar peptaij ro nukwin Stepanas: I jaje eļañne jabdewōt bar juon I ar peptaij.
- [17] Bwe Kūraij e ar jab jilkinļok eō bwe in peptaij, a bwe in kwaļok gospel: jab ilo mālōtlōt in naan ko, ñe debwāāl an Kūraij e ab jatokjān.
- [18] Bwe naan kōn debwāāl, ñan ro rej jako, e bwebwe; a ñan kōj jej mour, e kajoor an Anij.
- [19] Bwe emōj jeje, I naaj kōkkure mālōtlōt an ro ri mālōtlōt, im I naaj kajettokjān ļoļātāt an ro ri jelāļokjeņ.
- [20] Ewi ri mālōtlōt? ewi ri jeje? ewi ri aitwerōk an laļ in? Anij e ar jab kabwebweik mālōtlōt in laļ in ke?
- [21] Bwe ke ilo mālōtlōt an Anij laļ e ar jab jelā Anij kōn mālōtlōt eo an, e buñbūruen Anij bwe En ļom̄oren ro rej tōmak kōn bwebwe in kwaļok naan.

- [22] Bwe ri Ju rej kajjitōk kakōlle ko, im ri Grik rej kapukōt mālōtlōt:
- [23] A kōm kwaļok Kūraij eo eṃōj debwāāl E, ļōkatip ñan ri Ju, im bwebwe ñan ri aelōñ ko;
- [24] A ñan ro eṃōj kūr er, ro ri Ju kab ro ri Grik, Kūraij e kajoor an Anij im mālōtlōt an Anij.
- [25] Bwe an Anij bwebwe e mālōtlōt jān armej, im an Anij ṃōjṃo e kajoor jān armej.
- [26] Bwe koṃwin lale an kūr kom, ro jatiō, bwe e jab elōñ re mālōtlōt ļoor kanniōk, e jab elōñ ro re maroñ, e jab elōñ ro rajimjim, eṃōj kūr er:
- [27] A Anij e ar kāālōt men in bwebwe ko an laļ bwe en kajook ro ri mālōtlōt; im Anij e ar kāālōt men in ṃōjṃo ko an laļ bwe En kajook men ko repen;
- [28] Im men ko rettā an laļ, im men in jekdoṃn, Anij e ar kāālōti, aet, im men ko re jab pād bwe En kajettokjān men ko rej pād:
- [29] Bwe ejjeļok kanniōk en kōmmejāje iṃaan mejan Anij.
- [30] A kom jān E ilo Kūraij Jijej, Eo eṃōj kōṃṃan E ñan kōj mālōtlōt jān Anij, aet, wāñōk, im kwōjarjar im pinmuur:
- [31] Bwe, āinwōt eṃōj je, Eo ej kōmmejāje en kōmmejāje ilo Irooj.

## JEPTA 2

- [1Ko 2.1] Im ña, ro jatiō, ke I ar iwōj ñan kom, I ar jab iwōj kōn kōnono im mālōtlōt e kanooj eṃṃan, ke I ar kwaļok ñan kom men eo ettino an Anij.
- [2] Bwe I ar pepe in jab jeļā jabdewōt ippemi, a Jijej Kūraij, im E eṃōj debwāāle.
- [3] Im I ar pād ippemi ilo ṃōjṃo, im ilo mijak, im ilo wūdiddid eļap.
- [4] Im aō naan im aō kwaļok e ar jab ilo naan in kareel an mālōtlōt, a ilo kaṃool in Jetōb im kajoor;
- [5] Bwe ami tōmak en jab ilo mālōtlōt in armej, a ilo kajoor an Anij.
- [6] Ijoke kōm kōnono mālōtlōt ippān ro re rūtto: a mālōtlōt eo e jab jān laļ in, jab jān Irooj ro in laļ, ro re ļotļok:
- [7] A kōm kōnono mālōtlōt an Anij ilo men eo ettino, aet, eo e ṃojak, eo Anij e ar pepe kake ṃokta jān laļ ko ñan ad aiboojoj:
- [8] Eo ejjeļok iaan irooj ro i laļ e ar jeļā kake: bwe eļañne raar jeļā re jāmin kar debwāāl Irooj in aiboojoj:
- [9] A āinwōt eṃōj jeje, Men ko mej e ar jab loi, im ļojiliñ e ar jab roñjake, im re jañin deļoñ ilo būruen armej, men ko jabdewōt Anij e ar kapojak ñan ro rej yokwe E.
- [10] □A Anij e ar kwaļoki ñan kōj kōn Jetōb: bwe Jetōb ej kapukōt men otemjej, aet, men ko re ṃwilaļ an Anij.
- [11] Bwe wōn iaan armej e jeļā men ko an armej, a jetōb ōn armej eo ej ilo e? Āindein men ko an Anij ejjeļok en e jeļā kaki, a Jetōb ōn Anij wōt.
- [12] A jaar bōk, jab jetōb ōn laļ, a Jetōb eo jān Anij; bwe jān jeļā men ko Anij e ar wūjleptok ñan kōj.
- [13] Men ko kōm barāinwōt kōnono, jab ilo naan ko mālōtlōt an armej ej katakin, a naan ko Jetōb ej katakin, ke kobaik men ko an Jetōb ippān naan ko an Jetōb.

- [14] A armej kōn biktokin e jab bōk men ko an Jetōb ōn Anij: bwe re men in bwebwe ippān; im e jab maroñ in jeļā, bwe re meļeje kōn Jetōb.
- [15] A eo jān Jetōb ej ekajet men otemjej, a ejjeļok en ej ekajete.
- [16] Bwe wōn e ar jeļā ļoļātāt an Irooj, bwe en katakin E? A ļoļātāt an Kūraij ej ipped.

### JEPTA 3

- [1Ko 3.1] Im ña, ro jatiō, I ar jab maroñ in kōnono ñan kom āinwōt ñan ro re jān Jetōb, a āinwōt ñan ro re jān kanniōk, āinwōt ñan niñniñ ro ilo Kūraij.
- [2] I ar naajdik kom kōn milik, jab kōn ekkan; bwe moкта kom ar jab maroñe: a kiiō kom jañin maroñe;
- [3] Bwe ñan kiiō kom jān kanniōk: bwe ñe ewor juunmaad im akwāal ippemi, kom jab jān kanniōk ke, im etetal āinwōt armej?
- [4] Bwe ñe juon ej ba, Ña doon Paul; im bar juon, Ña doon Apollōs; kom jab armej ke?
- [5] Innām wōn Apollōs? Wōn Paul? Ri kaki kom ar tōmak kōn er; im āinwōt Irooj e ar kajju ļok ñan er.
- [6] I ar kallib, Apollōs e ar kamorur, a Anij e ar kaddeklōk.
- [7] Āindein eo ej kallib jekdoon, ak eo ej kamorur jekdoon: a Anij eo Ej kaddeklōk.
- [8] Kiiō eo ej kallib im eo ej kamorur āierwōt juon: im kajju iaer e naaj bōk oñān ekkar ñan an make jermal.
- [9] Bwe kōm ri jermal ippān Anij: kom jikin kallib an Anij, kom men in kalōk an Anij.
- [10] □Ekkar ñan jouj an Anij e moj letok ñan eō, āinwōt ri kapeel e mālōtlōt, I ar likūt foundesōn; im bar juon ej kalōk ion. A jabdewōt armej en lale ekōjkan ej kalōk ņa ion.
- [11] Bwe ejjeļok armej e maroñ in likūt bar juon foundesōn jān eo e moj likūte, eo Jijej Kūraij.
- [12] A eļañne jabdewōt armej ej kalōk ion foundesōn in, kool, silver, dekā aorōk, wōjke, wūjooj e moṛā, kān;
- [13] Jermal an jabdewōt armej e naaj alikkar: bwe raan eo e naaj kwaļok e, bwe e naaj waļok ilo kijeek; im ke- jeek en e naaj mālejjoñ jermal an jabdewōt armej ie āin.
- [14] Eļañne jermal an jabdewōt armej, im e ar kalōk ņa ion, e naaj pād wōt, e naaj bōk jinōkjeej.
- [15] Eļañne jermal an juon armej e naaj urur, e naaj jorrān: a naaj ļomogoren e; a āinwōt kōn kijeek.
- [16] Kom jab jeļā ke bwe kom tempel an Anij, im Jetōb ōn Anij ej jokwe ilo kom?
- [17] Eļañne jabdewōt armej ej koḱkure tempel an Anij, Anij e naaj koḱkure e; bwe tempel an Anij e kwōjarjar, im kom tempel eo.
- [18] Ejjeļok armej en make moṇ e. Eļañne jabdewōt ej ļomṇak e mālōtlōt ippemi ilo laļ in, en erom ri bwebwe bwe en mālōtlōt.
- [19] Bwe mālōtlōt in laļ in e bwebwe ippān Anij. Bwe e moj jeje, Eo ej bōk ri mālōtlōt ilo aer etao.

- [20] Im bar juon, Irooj e jelã lõmņak ko an ri mālõtlõt, bwe rej lõmņak waan.  
 [21] Innãm ejjeļok armej en kõmmejãje kõn armej raņ. Bwe men ko otemjej ami;  
 [22] Eļãñņe Paul, ak Apollõs, ak Sipas, ak laļ, ak mour, ak mej, ak men ko kiiõ, ak men ko rej itok; otemjejok ami;  
 [23] Im kom an Kūraij; im Kūraij an Anij.

- [1Ko 4.1] Āindein armej en lõmņak kõn kõm, ãinwõt ro korijeran Kūraij, im ri kõmņe men ko rettino an Anij.  
 [2] A ijin rej kajitūkini ri kõmņe, bwe ren lo an armej tiljek.  
 [3] A men iņ e kanooj dik ippa bwe komij ekajet eõ, ak kõn ekajet an armej: aet, I jab make ekajet eõ.  
 [4] [eoon in e jako ilo Bible kilmej – ukok eo mōkta]  
 [5] Innãm koņwin jab ekajet jabdewõt mōkta jãn iien, ñan iien Irooj itok, Eo e naaj kameramļok men ko reņojak an marok, im kaalikkar pepe in bõro ko; im iien eo nõbar e naaj ippãn jabdewõt armej jãn Anij.  
 [6] Im men kein, ro jatiõ, I ar likūt ñan eõ kab Apollõs ilo naan ettino kõn kom; bwe koņwin katak ilo kõmro men in jab eļļã jãn men ko eņõj jeje; bwe ejjeļok iaami en utiej būruen kõn juon armej ñae bar juon.  
 [7] Bwe wõn ej kalijekļok eok? im ta eo ippaņ, im kwaar jab bõke? a eļãñņe kwaar bõke, etke kwõj kõmmejãje ãinwõt eļãñņe kwaar jab bõk e?  
 [8] Kiiõ kom mat, kiiõ kom mņweie, kom ar irooj ke kõm jako: im eņool I kõņaan bwe koņwin irooj, bwe kõmin jimor irooj ippemi.  
 [9] Bwe, ij lõmņak, Anij e ar kwaļok kõm ri jelõk ãliktata, ãinwõt dien mej: bwe kõm men in alwõj ñan laļ, im ñan enjeļ raņ, im ñan armej raņ.  
 [10] □Kõm ri bwebwe kõn Kūraij, a kom mālõtlõt ilo Kūraij; kõm mōjņo, a kom kajoor; kom utiej, a kõm ettã.  
 [11] Ñan awa iņ kõm kwõle, im maro, im keelwaan, im rej jekanunok kõm, im ejjeļok jikõm;  
 [12] Im kõmij jermal, im kõmanman kõn peim: ke rej kajjirere kõm, kõmej jar; ke rej matõrtõre kõm, kõmej kijenmej;  
 [13] Ke rej ruruwe kõm, kõm akweļap: rej kõmman kõm ãinwõt menõknok in laļ, im kwõpej in men otemjej, aet ñan iien iņ.  
 [14] I jab jeje men kein bwe in keãliklik kom, a ãinwõt ro nejiõ jitõnbõro ij kauwe kom.  
 [15] Bwe meņe e naaj joņoul tōujin ami ri kaki ilo Kūraij, e jab elõñ jememi: bwe ilo Kūraij Jijej I ar keotak kom kõn gospel.  
 [16] Innãm ij akweļap ñan kom, bwe koņwin ri kajjioņe ña.  
 [17] Kõn men iņ I ar jilkinwõj ñan kom Timote, eo nejiõ jitõnbõro im etiljek ilo Irooj, eo e naaj kakeememej kom kõn ial ko aõ ilo Kūraij, ãinwõt ij katakin ijo ko otemjej ilo jabdewõt eklejia.  
 [18] Kiiõ jet re utiej būrueir, ãinwõt I jãmin iwõj ñan kom.

- [19] A I naaj jarōbwoj ñan kom eļañņe ankilaan Irooj, im I naaj jeļā, jab naan an ro utiej, a aer kajoor.
- [20] Bwe aelōñ in Anij e jab ilo naan, a ilo kajoor.
- [21] Ta eo kom kōņaan? in iwōj ñan kom kōn kein deñļok ke, ak ilo yokwe, im ilo jetōb in ineeņman?

#### JEPTA 5

- [1Ko 5.1] Eņool ebuņbuņ bwe ewor ļōñ ippemi, im ļōñ āinwōt e jab ippān ri pegan, bwe juon en lejān pāleen jemen.
- [2] Im e utiej būruemi, im kom ar jab būromōj bwe en jako jān ippemi eo e ar kōņman men in.
- [3] Bwe eņool ña, e jako ānbwinniō, a ij ippemi kōn aō, eņōj aō ekajete, āinwōt ñe ij ippemi, eo āindein an kōņman men in.
- [4] Ilo etan ad Irooj Jijej, ñe eņōj ami jimor kweilokļok, im aō, ippān kajoor an Irooj Jijej,
- [5] Komwin ketak eo āinwōt ñan Setan ñan kōkkure kanniōkin, bwe an en mour ilo raan an Irooj Jijej.
- [6] Ami kōmmejāje e jab eņman. Kom jab jeļā ke bwe jidik leven ej leven aolepen iiōk eo?
- [7] Komwin karreoik kom jān leven eo eņor bwe komwin juon iiōk ekāāl, im āinwōt ejjeļok ami leven. Bwe eņōj katok kōn men in kijoone eo ad, eo Kūraij.
- [8] Innām jān lale kwōjkwōj, jab kōn leven eo eņor, im jab kōn leven in juunmaade im nana; a kōn bred ar jab leven, bred in kwōjarjar im mool.
- [9] I ar jejewōj ilo letter eo aō bwe komwin jab kōņmao ippān ro ri ļōñ;
- [10] □A I ar jab ļōmņak kōn ri ļōñ an laļ in, ak ippān ri ankoņak im ri kowadoñ, ak ippān ri kabuņ ñan ekjab; bwe eļañņe āindein, eņman komwin ilok jān laļ:
- [11] A eņin I ar jeje ñan kom bwe komwin jab kōņmao ippān juon armej eļañņe ñaetan jemjein jemjaten im e ri ļōñ, ar ak ri ankoņak, ak ri kabuņ ñan ekjab, ak ri kajjirere, ak ri kadek, ak ri kowadoñ; eņman jab mōñā ippān juon āinwōt.
- [12] Bwe ta eo ippa bwe in ekajet ro ilikin? Kom jab ekajet ro rej pād ilowan ke?
- [13] A ro rej pād ilikin, Anij e naaj ekajet er. Komwin jolok ļeo enana jān ippemi.

#### JEPTA 6

- [1Ko 6.1] Jabdewōt iaami, ewor an akwāāle ri turin, e peran in ilok ilo kien imaan mejan ro reņman ke?
- [2] Ak kom jab jeļā ke bwe ro reņman re naaj ekajet laļ? im eļañņe kom naaj ekajet laļ, kom patkake in ekajet men ko rediktata ke?
- [3] Kom jab jeļā ke bwe je naaj ekajet enjeļ ro, im enaņin ļapļok men ko an mour in?
- [4] Innām eļañņe ewor ami ekajet kōn men ko an mour in, komij likūt ke ro jekdoņ ilo eklejia bwe ren ekajet kaki?
- [5] Ij ba men in bwe in keāliklik kom. Eņool ke re ban lo juon ri mālōtlōt eoļōpemi, eo e naaj maroņ in ekajet ikōtaan ro jein im jaten?

- [6] A ro jemjein jemjaten rej akwããle doon ilo kien, im men in imaan ro re jab tōmak.
- [7] Innām e bōd otem bōd ippemi, bwe komij akwããle doon ilo kien. Etke e jab emman ippemi bwe komwin jorrããn? etke e jab emman ippemi bwe ren bōk men ko ami ilo moŋ?
- [8] A komij kejjorrããn, im bōk ilo moŋ, im men in ñan ro jeimi im jatōmi.
- [9] Ak kom jab jeļã ke bwe ro re jab wãnōk re jãmin bōk aer jolōt aelōñ in Anij? Komwin jab bōd; ejjeļok ri ļōñ, ak ri kabuñ ñan ekjab, ak ri lejãn, ak ri ejej, ak ri Sodōm,
- [10] □Ak ri koŋot, ak ri ankoŋak, ak ri kadek, ak ri kajjirere, ak ri kowadoñ, e naaj bōk an jolōt aelōñ in Anij.
- [11] Im jet iaami kar ãierwōt: a emōj kwaļe kom, a emōj kokwōjarjar kom, a emōj kowãnōk kom ilo etan Irooj Jijej Kūraij, im ilo Jetōb òn ad Anij.
- [12] Men otemjej re mālīm ñan eō, a jab men otemjej rej kakajooror. Men otemjej re mālīm ñan eō, a jãmin kōttãik eō ilo maroñ an jabdewōt.
- [13] Ekkan ko ñan loje, im loje ñan ekkan ko: a Anij e naaj koŋkure e im er. A ãnbwin e jab ñan ļōñ, a ñan Irooj; im Irooj ñan ãnbwin.
- [14] Aet, im Anij e ar kajerkakpeje Irooj, im E naaj barãinwōt kejjerkakbijji kōj kōn kajoor eo An.
- [15] Kom jab jeļã ke bwe ãnbwinemi raan Kūraij? innām in bōkļok ke raan Kūraij im kōmmane raan kōrã ekijoñ? En jab eñin.
- [16] Ak kom jab jeļã ke bwe eo ej koba ippãn kōrã ekijoñ e juon wōt ãnbwinneir? bwe Ej ba, Ruo re naaj juon wōt kanniōk.
- [17] A eo ej koba ippãn Irooj rejro juon jetōb.
- [18] Komwin ko jãn ļōñ. Jabdewōt jerowiwī an armej kōmman, e ãlikin ãnbwinnen; a eo ej ļōñ ej make jerowiwī ñae ãnbwinnen.
- [19] Ak kom jab jeļã ke bwe ãnbwinemi tempel an Jetōb Kwōjarjar eo Ej ilo kom, Eo ippemi jãn Anij? Im kom jab ami make;
- [20] Bwe emōj wiaik kom kōn juon oñãn: innām komwin kaiboojoj Anij ilo ãnbwinemi.

## JEPTA 7

- [1Ko 7.1] Kiiō kōn men ko kom ar jeje kaki: emman ñan armej bwe en jab uññūr kōrã.
- [2] Ijoke, kōn ļōñ ko, jabdewōt emmaan en ippãn lio pãleen, im jabdewōt kōrã en ippãn ļeo pãleen.
- [3] Ļeo en leļok men eo ekkar ñan lio pãleen: im barãinwōt lio ñan ļeo pãleen.
- [4] Ejjeļok an lio make maroñ ioon ãnbwinnen, a ļeo pãleen: im ãindein ļeo ejjeļok an make maroñ ioon ãnbwinnen, a lio pãleen.
- [5] Komwin jab ãlikinjepjep doon, eļãñe e jab ilo juon iien im būruemi wōt juon, bwe komwin leļok kom ñan jar; im bar pãd ippãn doon, bwe Setan en jab kapo kom kōn ami mojño.
- [6] A ij ba men in ãinwōt kamãlim, im jab ãinwōt kaiñi.

- [7] A I kōṇaan bwe armej otemjej ren āinwōt ña. A jabdewōt armej ej bōk men in letok eo an jān Anij, juon āindein, im bar juon āin juon.
- [8] Innām ij ba ñan ro re jañin pālele, kab ro ejako pāleir, Emman eḷaññe rej pād im āinwōt ña.
- [9] A eḷaññe re jab maroñ make iaer, ren pālele: bwe emman ñe rej pālele jān ñe rej urur.
- [10] □Im ñan ro eṃōj aer pālele ij karoñ, jab ña, a Irooj, Lio en jab jepel jān ḷeo pāleen
- [11] (A eḷaññe ej jepel, en pād wōt im jab bar pālele, ak en bar yokwe ḷeo pāleen); im ḷeo en jab ilok jān lio pāleen.
- [12] A ñan ro jet ña ij ba, jab Irooj: Eḷaññe juon iaan jemjein jemjaten ewor pāleen eo e jab tōmak, im lio e ṃōṃōṃō in jokwe ippān, ḷeo en jab ilok jān lio pāleen.
- [13] Im kōrā eo ewor pāleen, im e jab tōmak, im ḷeo eṃōṃōṃō in jokwe ippān, lio en jab ilok jān ḷeo pāleen.
- [14] Bwe ḷeo e jab tōmak kokwōjarjar e kōn lio pāleen, im lio e jab tōmak kokwōjarjar e kōn ḷeo pāleen: eḷaññe jab āindein ro nejemi re jab erre; a kiiō re kwōjarjar.
- [15] A eḷaññe eo e jab tōmak ej ilok, en ilok. Juon iaan jemjein jemjaten maan ak kōrā ejjelok lukjen ñe āin dein: a Anij e ar kūr kōj ilo aenōmman.
- [16] Bwe ekōjkan aṃ jeḷā, O kōrā, eḷaññe kwō naaj ḷomṃoren ḷeo pāliom? ak ekōjkan aṃ jeḷā, O maan, eḷaññe kwō naaj ḷomṃoren lio pāliom?
- [17] A āinwōt Irooj e ar kajulok ñan jabdewōt armej, im āinwōt Anij e ar kūr jabdewōt, āindein en etal. Āindein ij kaiñ ilo eklejia otemjej.
- [18] Ar kūr juon armej e ri ṃwijiṃwiji ke? en jab erom jabṃwijiṃwiji. Ar kūr juon ilo jabṃwijiṃwiji ke? en jab ṃwijiṃwiji.
- [19] ṃwijiṃwiji e jatokjān, im jabṃwijiṃwiji e jatokjān; a kōjparok kein ko an Anij.
- [20] Jabdewōt armej en pād wōt ilo jermal eo ar kūr e ilowan.
- [21] Ar kūr eok ke ri kamakoko? en jab men in limam. A eḷaññe kwōj maroñ in anemkwōjam, emman kōmman āinwōt.
- [22] Bwe ri kamakoko eo eṃōj kūr e ilo Irooj, e ri anemkwōjan Irooj: barāinwōt ri anemkwōjan eo eṃōj kūr e, e korijeran Kūraj.
- [23] Eṃōj wiaik kom kōn juon oṇān, komwin jab karijeran armej.
- [24] Ro jatiō, jabdewōt armej, ilo men eo eṃōj kūr e ilowan, ilo men in en pād wōt ippān Anij.
- [25] Kiiō kōn bōjin ro, Irooj e ar jab karoñ eō: a ij lewōj aō pepe, āinwōt juon I ar bōk jouj jān Irooj bwe in tiljek.
- [26] Innām ij ḷomṃak emman men in kōn jorrāān in ipped, aet, emman ñan armej bwe en pād wōt āindein.
- [27] Kwō iio ke ippān kōrā? kwōn jab pukot jeltōm: kwō mejal ke jān kōrā? kwōn jab pukot juon kōrā.
- [28] A eḷaññe kwōj pālele, kwaar jab jerōwiwi; im eḷaññe juon bōjin ej pālele, e ar jab jerōwiwi. Ijoke ro āierwōt e naaj ewor eñtaan ippaer ilo kanniōk: im I kōṇaan tūriamokake kom.

- [29] A ij ba men in, ro jatiō, e kadu iien jān kiiō, bwe ro ewor kōrā pāleir ren āinwōt ñe ejjelok ippaer;
- [30] Im ro rej jañ ren āinwōt re jab jañ; im ro rej lañlōñ ren āinwōt re jab lañlōñ; im ro rej wiaik ren āinwōt ñe ejjelok ippaer;
- [31] Im ro rej jerbale laḷ in ren āinwōt re jab kanooj jerbale: bwe wāween laḷ in e jakoḷok.
- [32] A I kōḡnaan bwe en ejjelok men in kabōd kom. Ḷeo e jab pālele e bwiren lale men ko an Irooj, ekōjkan an kabuñbūruen Irooj:
- [33] A Ḷeo e pālele e bwiren lale men ko an laḷ, ekōjkan an kabuñbūruen lio pāleen.
- [34] Im kōrā eo e pālele āinjuon jān bōjin eo. Lio e jab pālele e bweren lale men ko an Irooj, bwe en kwōjarjar ilo ānbwinnini im ilo an; a lio e pālele e bwiren lale men ko an laḷ, ekōjkan en kabuñbūruen Ḷeo pāleen.
- [35] Im ij kōnono men in bwe in kakajooror kom; jab bwe in liktoik kom, a kōn men eo ekar, im bwe komwin jermal ñan Irooj im ejjelok men in kabōd.
- [36] A eḷaññe juon armej ej Ḷōmḡnak e jab emḡman an kōmḡman ñan bōjin eo nejin, ñe lio e torbel, im men in wōt emḡman, en kōmḡman men eo e kōḡnaan, e jab jerowiwī; ren pālele.
- [37] Ijoke eo ej jutak pen ilo būruen, im ejjelok men in kabōd e, a ewor an maroñ ioon ankilaan, im e ar pepe ilo būruen bwe en kōjparok bōjin eo nejin, ej kōmḡman emḡman.
- [38] Āindein eo ej leḷok bōjin eo ilo pālele ej kōmḡman emḡman; im eo e jab leḷok lio ilo pālele emḡmanḷok an kōmḡman.
- [39] Kōrā ej ellok toñ an mour Ḷeo pāleen; a eḷaññe Ḷeo pāleen e mej, e mejaḷ bwe en pāleek Ḷeo e kōḡnaan; ilo Irooj wōt.
- [40] A e ḡōḡōḡ eḷaññe ej pād wōt, ilo aō pepe: im ij Ḷōmḡnak bwe barāinwōt Jetōb ōn Anij ba.

## JEPTA 8

- [1Ko 8.1] Kiiō kein men in katok ñan ekjab ko, je jeḷā bwe ewor jeḷā ipped otemjej. Jeḷā ej koutiej bōro, a yokwe ej kalōk.
- [2] Eḷaññe jabdewōt armej ej Ḷōmḡnak e jeḷā jabdewōt, e jañin jeḷā āinwōt en kar jeḷā.
- [3] A eḷaññe jabdewōt armej ej yokwe Anij, Anij e jeḷā e.
- [4] Innām kōn ḡōñā men ko emōj leḷok ñan ekjab ko ilo katok, je jeḷā bwe ekjab e jekdoḡon ilo laḷ, im bwe ejjelok anij a Juon wōt.
- [5] Bwe meñe ewor rej ḡaetaer anij raḡ, eḷaññe i lañ ak i laḷ; āinwōt elōñ anij, im elōñ irooj;
- [6] A ipped juon Anij, Jemed, jān E men ko otemjeḷok, im kōj ilo E; im juon Irooj, Jijej Kūraj, kōn E men ko otemjeḷok, im kōj kōn E.
- [7] A jeḷā in e jab ippān armej otemjej; a jet, kōn aer minene kōn ekjab ñan iien in, rej ḡōñā āinwōt men in katok ñan ekjab; im kananaik aer bōklōkōt emōjḡo.
- [8] A ekkān e jāmin kalijekḷok kōj imāan mejan Anij: bwe eḷaññe je jab ḡōñā je jab nanaḷok; ak eḷaññe jej ḡōñā je jab emḡmanḷok.

- [9] A komwin lale bwe maroñ in ami en jab ļōkatip ñan ro reṃōjņo.
- [10] □Bwe eļañņe juon armej ej lo eok, kweo kwō jeļā, jibadek im ṃōñā ilo tempel in ekjab, bōklōkōt an ļeo eṃōjņo e jāmin peran in ṃōñā men ko, men in joortak ñan ekjab ke?
- [11] Bwe kōn aṃ jeļā, e jako ri ṃōjņo, jemjein jemjaten eo Kūraiļ e ar mej kōn e.
- [12] A ñe āindein ami jerōwiwi ñae jemjein jemjaten im kakinejneļ aer bōklōkōt eṃōjņo, komij jerōwiwi ñae Kūraiļ.
- [13] Innām, eļañņe ṃōñā ej ļōkatipe jeiō im jatiō, I jāmin ṃōñā kanniōk indeeo, bwe in jab ļōkatipe jeiō im jatiō.

## JEPTA 9

- [1Ko 9.1] Ña I jab anemkwōjaō? I jab ri jelōk ke? I ar jab lo Jijeļ ad Irooj ke? kom jab aō jeral ilo Irooj ke?
- [2] Eļañņe I jab ri jelōk ñan ro jet, a eṃool ña juon ñan kom: bwe kom sil an aō ri jelōk ilo Irooj.
- [3] Aō naan in uwaak ñan ro rej kajjitūkin eō eñin.
- [4] E jab mālim ke ñan kōm bwe komwin ṃōñā im idaak?
- [5] E jab mālim ke ñan kōm bwe kōmin tōļ ļok ippemļok pāleem ri tōmak, im āinwōt ri jelōk ro jet, im lōṃaro jaten Irooj, im Sipas?
- [6] Ak ña wōt kab Barnebas, e jab mālim ke ñan kōmro bwe kōmin jab jeral?
- [7] Wōn ej ilen tariņae jabdewōt iien im e make kōṃṃan kapjeran? Wōn ej kalbwin bwil in grep, im e jab ṃōñā jān leen? wōn ej naajdik bwijin kidu rawie, im e jab ṃōñā jān milik in bwij eo?
- [8] Ij kōnono men kein āinwōt armej ke? ak kien e jab barāinwōt ba men kein ke?
- [9] Bwe ilo kien Moses eṃōj jeje, Kwōn jab pineļ loñin kau koṃaan ej jujuuri korn. Anij ej lale kau,
- [10] □Ak ñan kōj wōt ej ba ke? Aet ñan kōj eṃōj jeje, bwe eo ej plau eṃṃan en plau ilo kōjatdikdik, im ri deñļoke korn en deñļoke ilo kōjatdikdik in bōk kōj eo an.
- [11] Eļañņe kōm ar jeor ñan kom men ko an Jetōb, men in eļap ke eļañņe kōmij ṃadṃōd ilo ami men in kanniōk?
- [12] Eļañņe ro jet ewor aer maroñ iomi, e jab ļapļok ippem ke? Ijoke kōm ar jab kōṃṃan ilo maroñ iņ; a kōm eñtaan kake men ko otemjeļ bwe kōmin jab karuṃwij gospel an Kūraiļ.
- [13] Kom jaje ke bwe ro rej jeral kōn men ko rokwojarjar rej ṃōñā jān tempel, im ro rej jeral iturin lokatok rej bōk aer kōj ippān lokatok eo?
- [14] Āindein Irooj e ar likūt bwe ro rej kwaļok gospel ren mour jān gospel.
- [15] A I ar jab kōṃṃan kōn men kein: im I jab jeje men kein bwe en kōṃṃan āinwōt ñan eō: bwe eṃṃan ñan eō bwe in mej, jān bwe jabdewōt en kajjettokjān unin aō kōmmejāje.
- [16] Bwe eļañņe ij kwaļok gospel, ejjeļok ippa bwe in kōmmejāje kake; bwe men iņ e reeļ ilo būruō, bwe Wo ñan eō eļañņe I jab kwaļok gospel.

- [17] Bwe eļāñņe I jilikiie in kōmman men in, ewor aō jinōkjeej: a eļāñņe I maķoko, juon jermal in kōmne letok ñan eō.
- [18] Innām ta jinōkjeej eo aō? bwe, ke ij kwaļok gospel, in kōmman gospel ejjeļok oņān, bwe in jab kanooj kwaļok aō maroņ ilo gospel.
- [19] Bwe meņe ij anemkwōjaō jān armej otemjej, I ar make ri karijeran otemjej, bwe en lōñļok aō jibadek er.
- [20] Im I ar āinwōt ri Ju ñan ri Ju ro, bwe in jibadek ri Ju; ñan ro iuṃwin kien, āinwōt iuṃwin kien, meņe I jab iuṃwin kien, bwe in jibadek ro rej pād iuṃwin kien;
- [21] Ñan ro ejjeļok kien ippaer, āinwōt ejjeļok kien ippa, ke I jab anemkwōjaō jān kien Anij, a iuṃwin kien Kūraij, bwe in jibadek ro ejjeļok kien ippaer.
- [22] Ñan ro re ṃōjņo ña ij ṃōjņo, bwe in jibadek ro re ṃōjņo. Ña men otemjej ñan armej otemjej bwe kōn otemjej in lōmōoren jet.
- [23] A men otemjej ij kōmman kōn gospel, bwe in ri bōk ṃōttan eo ippān ro jet.
- [24] Kom jab jeļā ke bwe ro rej ettōr ilo iāekwōj, er otemjej rej ettōr a juon wōt ej bōk mejānkajjik? Koṃwin ettōr āinwōt bwe koṃwin tōprak.
- [25] Im jabdewōt armej eo ej iāekwōj kōn mejānkajjik e jatōr ilo men otemjej. Er rej kōmman men in bwe ren jibadek rojenbōr e ṃor ṃōkaj; a kōj eo e jāmin ṃor.
- [26] Innām āindein ña ij ettōr, jab āinwōt I toņoņ; āindein ij jekanunōk, im jab āinwōt deñļok kōto:
- [27] A ij jekanunōk ānbwinniō, im kamakokoik e, bwe ilo jabdewōt, ṃōjen aō kwaļok gospel ñan ro jet, ña in jab jako.

#### JEPTA 10

- [1Ko 10.1] Bwe I jab kōņaan bwe koṃwin jaje, ro jatiō, ekōjkan ro jimmaam raar pād iuṃwin kōdō, im er otemjej raar eļļā jān ilujen lomaļo;
- [2] Im er otemjej raar peptaij ñan Moses ilo kōdō eo im ilo lomaļo;
- [3] Im er otemjej raar ṃōñā kan in jetōb wāween wōt juon;
- [4] Im er otemjej raar idaak limen jetōb wāween wōt juon; bwe raar idaak jān Ejmaan e jetōb im E ar ļoor er: im Ejmaan eo Kūraij.
- [5] A ippān elōñ iaer Anij e ar jab buñbūruen: bwe ar kōkkure er ilo āne jemađen.
- [6] Ak men kein joņak ñan kōj, bwe jān jab ankoņak men ko renana, im āinwōt er raar ankwōnaki.
- [7] Im koṃwin jab kabuñ ñan ekjab āinwōt jet iaer: āinwōt eṃōj jeje, Armej raar jijet in ṃōñā im idaak, im juten kuri.
- [8] Im jān jab ļōñ, āinwōt jet iaer raar ļōñ, im mej ilo juon raan roņoul im jilu tōujin.
- [9] Im jen jab kōjake Irooj, āinwōt jet iaer raar kōjake, im re jako kōn jedpānit ko.
- [10] Im koṃwin jab wanōketak, āinwōt jet iaer raar wanōketak, im re jako kōn ri kōkkure eo.
- [11] A men kein raar waļok ippaer ñan joņak; im eṃōj je er naan in kauwe kōj, kōjeo iien ko āliktata raar itok ioed.
- [12] Kōn men in, eo ej ļōmņak ej jutak, en lale bwe en jab buñ.

- [13] Ejjeļok men in kapo e ar bōk kom, a eo armej rej maroņe: a Anij e tiljek, im E jāmin likūt bwe ren kapo kom eļap jān ami maroņ; a ilo men in kapo E naaj kōmman ial in ko, bwe koṃwin maroņe.
- [14] Kōn men in, kom jītōnbōro ippa, koṃwin ko jān kabuñ ñan ekjab ko.
- [15] Ij kōnono āinwōt ñan ri mālōtlōt; koṃwin ļōmṃak kōn men eo ij ba.
- [16] Kab in jerammōn, eo kōmij jare, e jab kōmṃao in bōtōktōkin Kūraij ke? Bred eo kōm ruje, e jab kōmṃao in ānbwinnen Kūraij e?
- [17] Bwe kōj jelōñ jej juon bred, juon ānbwin: bwe kōj otemjej bōk mōttan bred wōt juon.
- [18] Lale ri Israel rej ilo kanniōk: ro rej mōñā men in joortak ko re jab ri kōmṃao in lokatok ke?
- [19] Innām ta eo ij ba? bwe men in joortak ñan ekjab e jab jekdoṃn ke? ak bwe ekjab e jab jekdoṃn ke?
- [20] A ij ba, bwe men ko ri pegan rej katok kaki rej katok ñan tiṃoṃ raṃ, im jab ñan Anij: im I jab kōṃaan bwe koṃwin kōmṃao ippān tiṃoṃ raṃ.
- [21] Kom jab maroņ in idaak kab in Irooj, im kab in tiṃoṃ raṃ; kom jab maroņ in mōñā jān tebōļ an Irooj, im jān tebōļ in tiṃoṃ raṃ.
- [22] Ak jej kaillu Irooj ke? Je kajoor jān E ke?
- [23] Men otemjej remālim; a jab men otemjej rej kakajooror. Men otemjej remālim; a jab men otemjej rej kalōk.
- [24] Ejjeļok armej en kapukōt men eo ej jipañ e make, a men eo ej jipañ ri turin.
- [25] Men eo jabdewōt rej wiakake ilo jikin wia kanniōk, koṃwin mōñā, im jab kajjitōk kake kōn bōklōkōt;
- [26] Bwe laļ an Irooj, kab men ko ej obrak kaki.
- [27] Eļañne juon iaan ro re jab tōmak ej jiroñ kom kōn kwōjkwōj, im kom kōṃaan ilok; men eo jabdewōt rej likūt iṃaami koṃwin mōñā, im jab kajjitōk kake kōn bōklōkōt.
- [28] A eļañne juon armej ej ba ñan kom, Eṃōj katok kōn men in, koṃwin jab mōñā, kōn eo e ar bakajjien, im kōn bōklōkōt:
- [29] Bōklōkōt, ij ba, e jab aṃ, a an eo juon; bwe etke ekajet anemkwōjaō kōn bōklōkōt an bar juon?
- [30] Eļañne ña ij bōk kijeo aō kōn jouj, etke rej kōnono nana kōn eō kōn men eo ij kaṃṃoolol kake?
- [31] Innām eļañne komij mōñā ak idaak ak kōmman jabdewōt, koṃwin kōmman men otemjej ñan aiboojoj an Anij.
- [32] Koṃwin jab ļōkatipi ri Ju, ak ri Grik, ak eklejia an Anij;
- [33] Āinwōt ña ij kabuñbūruen ro otemjej ilo men otemjej, im jab pukot aō men in kakajooror, a an ro relōñ bwe ren mour.

## JEPTA 11

[1Ko 11.1] Koṃwin ri kajjioņe ña, āinwōt ña ij barāinwōt ri kajeōnwe Kūraij.

- [2] A ij nōbar kom, ro jatiō, bwe komij keememej eō ilo men otemjej, im dāpij katak ko, āinwōt I ar lewōj ñan kom.
- [3] A I kōṇaan bwe koṃwin jeļā bwe bōran jabdewōt ṃaan Kūrai; im bōran kōrā ṃaan; im bōran Kūrai Anij.
- [4] Jabdewōt eṃṃaan ej jar ak rūkaanij, im e libubu, ej kajook bōran.
- [5] A jabdewōt kōrā ej jar ak rūkaanij, im e jab libubu bōran, ej kajook bōran: bwe men eo āinwōt eļañne eāl bōran.
- [6] Bwe eļañne kōrā e jab libubu, en barāinwōt ṃwijbar: a eļañne men in jook ñan kōrā bwe en ṃwijbar ak eāl bōran, en libubu.
- [7] Bwe eṃool ṃaan en jab kalbubu bōran, bwe e āin im aiboojoj an Anij: a kōrā e aiboojoj an ṃaan.
- [8] Bwe ṃaan e jab jān kōrā; a kōrā jān ṃaan.
- [9] Bwe barāinwōt ar jab kōṃanṃan ṃaan ñan kōrā, a kōrā ñan ṃaan.
- [10] Kōn men iṃ eṃṃan en wor kakōļen kajoor ioon bōran kōrā kōn enjeļ raṃ.
- [11] Ijoke kōrā e jab jepel jān ṃaan, ak ṃaan jepel jān kōrā, ilo Irooj.
- [12] Bwe āinwōt kōrā e jān ṃaan, barāinwōt ṃaan kōn kōrā; a men otemjej jān Anij.
- [13] Koṃwin ekajet ṃōk ippemi: ekkar ke bwe kōrā en jar ñan Anij im e jab libubu bōran?
- [14] E jab make alikkar ñan kom ke, bwe eļañne juon eṃṃaan e aitok kooļan bōran, e men in kajok e?
- [15] A eļañne e aitok kooļan bōran juon kōrā, e men in kaiboojoj e: bwe eṃōj leļok kooļan bōran ñan e men in kalbubu.
- [16] A eļañne jabdewōt armej e kōṇaan akwāāl, ejjeļok ṃanit āinwōt ippem, im ejjeļok ippān eklejia ko an Anij.
- [17] A ilo aō jiroñ kom men iṃ, I jab nōbar kom, bwe komij kweiloklok jab kōn eṃṃanļok a kōn nanaļok.
- [18] Bwe ṃokta jān men otemjej, ke koṃwin kweiloklok ilo eklejia ij roñ bwe ewor limōjñōnu ippemi, im I nañin tōmak e.
- [19] Bwe eṃṃan barāinwōt en ewor kiojaļjaļ ippemi, bwe ro lejokmen ren alikkar ippemi.
- [20] Innām ñe komij jimor kweiloklok ilo juon jikin, kom jab maroñ in ṃōñā kejota an Irooj:
- [21] Bwe ilo ami ṃōñā, jabdewōt ej bōk ṃokta kejota eo an; im juon e kwōle, im bar juon e kadek.
- [22] Ta? e jab wor ke mo ko iṃwemi bwe koṃwin ṃōñā im idaak ie? ak komij kajekdoṃon eklejia an Anij ke, im kajook ro ejjeļok ippān? Ta eo in ba ñan kom? in nōbar kom ilo men iṃ ke? I jab nōbar kom.
- [23] Bwe I ar bōk jān Irooj men eo I ar barāinwōt lewōj ñan kom, Bwe Irooj Jijej boñ eo ar ketak E, E ar bōk bred;
- [24] Im ke eṃōj An jar, Ej ruje, im ba, Eñin ānbwinniō ej ñan kom: koṃwin kōṃṃan men iṃ ilo ememej Eō.

- [25] Im äindein baräinwõt Ej bök kab, älikin kejota, im ba, Kab in kallimur eo ekääl ilo bötöktökiö: komwin kömman men in, iien otemjej komij idaaq e, ilo ememej Eö.
- [26] Bwe iien otemjej komij mönä bred in, im idaaq kab in, komij kwaļok mej an Irooj ñan iien eo Ej itok.
- [27] Kõn men in jabdewõt eo, e jab jimwe an mönä bred ak idaaq kab an Irooj, ewor ruõn kõn änbwinnen im bötöktökin Irooj.
- [28] A armej en mälejjoñ mök būruen, im äindein en mönä bred in, im idaaq kab in.
- [29] Bwe eo ej mönä im idaaq, ej mönä im idaaq liaakļok ñan e, eļañne e jab kile änbwinnen.
- [30] Kõn men in elõn re möjno im nañinmej ippemi, im elõn rej kiki.
- [31] A eļañne e kar emõj ad make jeļä kajjied, jämin kar ekajet kõj.
- [32] A ke ekajet kõj, Irooj ej kajeik kõj, bwe ren jab liaakļok kõj ippän laļ.
- [33] Kõn men in, ro jatiö, ñe komij kweilokļok in mönä, komwin kattar doon.
- [34] Eļañne juon armej e kwöle, en mönä i mweo imõn; bwe komwin jab kweilokļok ñan liaakļok. Im men ko jet I naaj kajimwe ñe ij iwõj.

#### JEPTA 12

- [1Ko 12.1] Kiiö kõn men ko an Jetöb letok, ro jatiö, I jab kõnaan bwe komwin jaje.
- [2] Kom jeļä, ke kom ar ri pegan, kom ar ļoor ļok ekjab re ban kõnono, äinwõt ar tõ kom.
- [3] Kõn men in ij kõjjeļäik kom, bwe ejjeļok armej ej kõnono kõn Jetöb õn Anij im ba, Anatema Jijej; im ejjeļok e maroñ in ba, Jijej e Irooj, a kõn Jetöb Kwöjarjar.
- [4] Kiiö men in letok ko re jab äinwõt juon, a juon wõt Jetöb.
- [5] Im ewor kömman ro re jab äinwõt juon, a juon wõt Jetöb.
- [6] Im ewor jerbale ko re jab äinwõt juon, a juon wõt Anij eo Ej jerbale men otemjej ilo otemjej.
- [7] A emõj leļok ñan jabdewõt armej an Jetöb waļok bwe en make kakajooror kake.
- [8] Bwe ñan juon ar leļok kõn Jetöb naan in mälotlõt; ñan bar juon naan in jeļä, ekar ñan Jetöb eo;
- [9] Im ñan bar juon tõmak, ilo Jetöb eo; im ñan bar juon kõbökökök ko ilo juon wõt Jetöb;
- [10] □Im ñan bar juon kömman men in bwilõn ko; im ñan bar juon rūkaanij ko; im ñan bar juon kile jetöb rañ; im ñan bar juon kõnono kõn lo ko; im ñan bar juon kameļeļeik lo ko:
- [11] A juon E juon wõt Jetöb ej jerbale men kein otemjej, im ajej ñan jabdewõt armej äinwõt E kõnaan.
- [12] Bwe äinwõt änbwin e juon wõt, im elõn raan, a aolepen raan änbwin meñe relõn rej juon wõt änbwin; äindein baräinwõt Kūraij.
- [13] Bwe ilo juon Jetöb emõj peptaij kõj ilo juon änbwin, eļañne kõj ri Ju ak ri Grik, eļañne kõj ri kamakoko ak ri anemkwöjad; im emõj kaidaak kõj otemjej kõn juon Jetöb.

- [14] Bwe ānbwin e jab juon ra, a elōñ.
- [15] Eļañņe ne e naaj ba, Bwe I jab pā I jab mōttan ānbwin; e jab mool e jab mōttan ānbwin.
- [16] Im eļañņe lojiliñ e naaj ba, Bwe I jab mej, I jab mōttan ānbwin; e jab mool e jab mōttan ānbwin.
- [17] Eļañņe aolepen ānbwin mej, ewi roñjake? Eļañņe aolepen roñjake, ewi käätet?
- [18] A kiiō Anij e ar likūt ra ko, er otemjeļok ilo ānbwin, āinwōt E buñbūruen kake.
- [19] A eļañņe er otemjej juon ra, ewi ānbwin?
- [20] A kiiō elōñ ra, a juon ānbwin.
- [21] Im mej e jab maroñ in ba ñan pā, Ejjeļok aō aikuj eok: ak barāinwōt bar ñan ne, Ejjeļok aō aikuj eok.
- [22] A, eļapļok raan ānbwin, ko āinwōt re mōjņo emman ren jab jako;
- [23] Im raan ānbwin, ko jej ļōmņak edikļok aer aiboojoj, jej koorļok aer aiboojoj; im raar re jab wōj eļapļok aer wōj;
- [24] Bwe raar rewuj re jab aikuj: a Anij e ar kobaik ānbwin, im leļok eļapļok aiboojoj ñan ra eo ej aikuj;
- [25] Bwe en ejjeļok kiojaljal ilo ānbwin, a bwe ra ko otemjej ren jimor kōjparok doon.
- [26] Im ñe juon ra ej eñtaan, ra ko otemjej rej eñtaan ippān; ak ñe juon ra e aiboojoj, ra ko otemjej rej lañlōñ ippān.
- [27] Kiiō kom ānbwinnen Kūraij, im ra ko ilo kajju raan.
- [28] Im Anij e ar likūt jet ilo eklejia, mōkta ri jelōk, kein ka ruo ri kanaan, kein ka jilu ri kaki, innām men in bwilōñ ko, innām kōbōkōkōk ko, jipañ ko, kaiñ ko, kōnono kōn lo ko.
- [29] Ro otemjej ri jelōk ke? ro otemjej ri kanaan ke? ro otemjej ri kaki ke? ro otemjej ri kōmņan men in bwilōñ ko ke?
- [30] Ro otemjej rej kōbōkōkōk ke? ro otemjej rej kōnono kōn lo ko ke? ro otemjej rej kameļeik ke?
- [31] A koņwin kanooj kōņaan men in letok ko reņmantata. Im ij kwaļok ñan kom ial eo emmanļok.

### JEPTA 13

- [1 Ko 13.1] Eļañņe ij kōnono kōn lo ko an armej im enjeļ, a yokwe e jab ippa, emōj aō erom jiniboor e tōñtōñ, ak aje e dibukbuk.
- [2] Im eļañņe ewor ippa bwe in rūkaanij, im I jeļā men ko rettino otemjej, kab mālōtlōt otemjej; im eļañņe tōmak otemjej ippa, bwe in kōmņakūt toļ ko, a yokwe e jab ippa, ña jekdoon.
- [3] Im eļañņe ij deepļok men ko mweiō otemjej in naajdik ri jerañōl, im eļañņe ij leļok ānbwinniō bwe ren tile, a yokwe e jab ippa, ejjeļok an kakajooror eō.
- [4] Yokwe ej meanwōd, im e jouj; yokwe e jab juunmaad; yokwe e jab make kōmmejāje, e jab juwa;
- [5] E jab kōmņan men ko jakkar, e jab kapukōt men ko an, re jab kaillu e, e jab ļōmņak nana;

- [6] Ke jab lañlõñ ilo jerowiwi, a e m̃õñõñõ kake mool;
- [7] Ej kijenmej ilo men otemjej, ej t̃õmak men otemjej, ej k̃õjatdikdik e k̃õn men otemjej, ej niknik ilo men otemjej.
- [8] Yokwe e j̃amin jako: a eñaññe ewor rūkaanij ko, re naaj lot; ak eñaññe ewor lo ko, re naaj jeml̃ok; ak eñaññe ewor jelã, e naaj jako.
- [9] Bwe je jelã jimattan, im jej rūkaanij ilo jimattan:
- [10] A ñe men eo iio ej itok, men eo jimattan e naaj lotl̃ok.
- [11] Ke I ar ajri, I ar k̃õnono ãinwõt ajri, I ar jelã ãinwõt ajri, I ar lõm̃nak ãinwõt ajri: a kiiõ bwe I rütto em̃õj aõ utũk men ko an ajri.
- [12] Bwe kiiõ jej lo ilo kapjer etnad; a ilo iien eo jelmae doon: kiiõ I jelã jimattan; a iien eo I naaj kanooj jelã ãinwõt rej bar kanooj jelã ña.
- [13] A kiiõ e pãd wõt t̃õmak, k̃õjatdikdik, im yokwe, men kein jilu; im eo eļap iaer yokwe.

#### JEPTA 14

- [1Ko 14.1] Komwin ļoor ļok yokwe; a kanooj k̃õñaan men in letok ko an Jetõb, a eļapļok bwe komwin rūkaanij.
- [2] Bwe eo ej k̃õnono k̃õn juon lo e jab k̃õnono ñan armej, a ñan Anij; bwe ejjel̃ok armej ej meļeļe kake; ijoke ilo Jetõb ej k̃õnono men ko rettino.
- [3] A eo ej rūkaanij ej k̃õnono ñan armej men in kalõk, im kauwe, im kaaenõm̃man.
- [4] Eo ej k̃õnono k̃õn juon lo ej make kalõk e; a eo ej rūkaanij ej kalõk eklejia.
- [5] Kiiõ I k̃õñaan bwe komwin otemjej k̃õnono k̃õn lo ko, a eļapļok bwe komwin rūkaanij: im eļap eo ej rūkaanij j̃an eo ej k̃õnono k̃õn lo ko, eñaññe e jab kameļeļeik, bwe en kalõk eklejia.
- [6] A kiiõ, ro jatiõ, eñaññe ij iwõj ñan kom im k̃õnono k̃õn lo ko, ta eo I naaj kakajooror kom kake, eñaññe I jab k̃õnono ñan kom k̃õn revelesõn, ak k̃õn jelã, ak k̃õn rūkaanij, ak k̃õn katakin?
- [7] ãindein men ko re jab mour, im ewor ainikier, ñe paip ak arp, eñaññe re jab leļok ewor wãween ainikieir, ekõjkan jelã okõtõn rej kajañjañ k̃õn paip ak arp?
- [8] Bwe eñaññe jilel ej kwaļok ainikien e jab alikkar, wõn e naaj kapoj ñan tariñae?
- [9] ãindein kom, eñaññe kom jab k̃õnono k̃õn lo naan E pidodo in meļeļe, ekõjkan jelã men eo komij k̃õnono kake? bwe kom naaj k̃õnono ñan k̃õto.
- [10] □Bõlen elõn wõt wãween ainikien ilo laļ, im ejjel̃ok iaer eo ejjel̃ok rãpeļtan.
- [11] Innãm eñaññe I jaje rãpeļtan juon kajin naan, I naaj ruwamãejet ñan eo ej k̃õnono, im eo ej k̃õnono e naaj ruwamãejet ñan eõ.
- [12] Barãinwõt kom, bwe komij kanooj kapukõt men in letok an Jetõb, komwin pukot bwe ren orļok ñan kom ñan kalõk eklejia.
- [13] Kom men in eo ej k̃õnono ilo juon lo, en jar bwe en maroñ in kameļeļeik.
- [14] Bwe eñaññe ij jar ilo juon lo, aõ ej jar, a aõ ļoļãtãt e jab tokje.
- [15] Innãm e baj et? I naaj jar k̃õn jetõb, im I naaj barãinwõt jar k̃õn aõ ļoļãtãt: I naaj al k̃õn jetõb, im I naaj barãinwõt al k̃õn aõ ļoļãtãt.

- [16] Eļaiņne āinjuon, ñe emōj aṃ jar kōn aṃ jetōb, eo ej pād ilo jikin armej waan, e naaj kōjkan an ba Amen ñan aṃ kaṃṃoolol, ke e jab jeļā men eo kwōj ba?
- [17] Emool emṃan am kaṃṃoolol, a e jab kalōk eo juon.
- [18] Ij kaṃṃoolol Anij bwe ij kōnono kōn lo ko eļap jān kom otemjej:
- [19] Ijoke, ilo eklejia, emṃan ippa bwe in kōnono ļalem naan kōn aō ļoļātāt bwe in barāinwōt katakin ro jet, jān joñoul tōujin naan ilo juon lo.
- [20] Ro jatiō, koṃwin jab ajri ilo ļoļātāt: a ilo juunṃaade koṃwin niñniñ, a ilo ļoļātāt koṃwin rūtto ro.
- [21] Ilo kien emōj jeje, Kōn armej in lo ko jet im kōn tien ko jet I naaj kōnono ñan armej rein; im āin deiṃ re jāmin eṃroñ Eō, Irooj ej ba.
- [22] Kōn men in lo ko rej juon kakōļe, jab ñan ro rej tōmak, a ñan ro re jab tōmak: a rūkaanij e jab ñan ro re jab tōmak a ñan ro rej tōmak.
- [23] Innām eļaiņne aolepen eklejia rej kweilōklōk ilo juon jikin, im er otemjej rej kōnono kōn lo ko, im armej waan ak ro re jab tōmak rej deļoñtok, re jāmin ba kom wūdeakeak ke?
- [24] A eļaiņne er otemjej rej rūkaanij, im ej deļoñ juon ri jab tōmak ak armej waan, e reel būruen kōn otemjej, im ro otemjej rej ekajete;
- [25] Men ko rettino an būruen rej waļok, im āindein e naaj buñpedo im kabuñ ñan Anij, im e naaj kōnnaan bwe emool Anij ej eoļōpemi.
- [26] Innām ekōjkan ro jatiō? ke koṃwin jimor kweilōklōk, jabdewōt iaami ewor an sam, ewor an katak, ewor an revelesōn, ewor an lo, ewor an kameļeļeik. Koṃwin kōṃṃan men otemjej ñan kalōk.
- [27] Eļaiņne jabdewōt armej ej kōnono ilo juon lo, en karuo, ak jab elōñ jān jilu, im kōllaajrak; im juon en kameļeļeik.
- [28] A eļaiņne ejjeļok ri kameļeļeik, en ikōñ ilo eklejia; im en make kōnono ñan e wōt, im ñan Anij.
- [29] Ri kanaan ren kōnono ruo ak jilu, im ro jet ren ekajete.
- [30] A eļaiņne ewor revelesōn ñan bar juon ej jijet iturin, eo ṃokta en ikōñ.
- [31] Bwe kom otemjej maroñ in rūkaanij juon im juon, bwe otemjej ren katak, im otemjej ren aenōṃṃan:
- [32] Im jetōb ro an ro ri kanaan rej pokake ri kanaan ro;
- [33] Bwe Anij e jab Anij in airuwaro, a in aenōṃṃan; āinwōt ilo eklejia otemjej an ro reṃṃan.
- [34] Kōrā ro ren kejekļokjeṃ ilo eklejia: bwe e jab mālim ñan er ren kōnono; a ren pokake, āinwōt kien ej barāinwōt ba.
- [35] Im eļaiņne re kōṃnaan katak jabdewōt, ren kajjitōk ippān lōṃaro pāleir ilo ṃoko imṃweir, bwe men in kajook ñe juon kōrā ej kōnono ilo eklejia.
- [36] Ekōjkan? naan in Anij e ar itok jān kom ke? ak e ar iwōj ñan kom wōt ke?
- [37] Eļaiņne jabdewōt armej ej ļōṃṃak e ri kanaan, ak e jān Jetōb, en jeļā men ko ij jeje ñan kom bwe er kien Irooj.
- [38] A eļaiņne jabdewōt armej e jaje, en jaje.

- [39] Kōn men in, ro jatiō, komwin kanooj kōṇaan in rūkaanij, im jab bōbrae bwe ren kōnono kōn lo ko.
- [40] A ren kōmman men otemjej ekkar im ilo laajrak.

#### JEPTA 15

- [1Ko 15.1] A Ij kōjjeļāik kom, ro jatiō, gospel eo I ar kwaļok ṇan kom, eo kom ar bōke, im eo kom barāinwōt jutak kake,
- [2] Kōn e barāinwōt lomṡoren kom; eļañne komij dāpij naan ko I ar kwaļoki ṇan kom, eļañne e jab bōd ami tōmak.
- [3] Bwe I ar lewōj ṇan kom ṡokta jān otemjej men eo I ar barāinwōt bōke, ekōjkan Kūrai e ar mej kōn jerṡowiwi ko ad ekkar ṇan Jeje ko;
- [4] Im ar kalbwīn E, im E ar jerkakpeje ilo raan kein ka jilu ekkar ṇan Jeje ko;
- [5] Im E ar weaaktok ṇan Sipas; bar juon iien ṇan ro joṇoul im ruo;
- [6] Ālikin men in E ar weaaktok ṇan limabukwi men ro jemjein jemjaten ilo juon iien, elōñ iaer rej pād ṇan rainin, a jet rej kiki;
- [7] Ālikin men in E ar weaaktok ṇan Jemes; ālikin men in ṇan ro ri jelōk otemjej;
- [8] Im āliktata, āinwōt, āinwōt ṇan juon e ko, E ar barāinwōt weaaktok ṇan eō.
- [9] Bwe ṇa ediktata iaan ri jelōk, im ij petkake bwe ren ṇaeta ri jelōk, bwe I ar matōrtōre eklejia an Anij.
- [10] □A kōn jouj an Anij, men ko ippa im āinwōt: im jouj eo An eṡōj letok ṇan eō e jab jatokjān; a I ar jermal eļap jān er otemjej: ijoke e jab ṇa, a jouj an Anij e ar pād ippa.
- [11] Innām eļañne ṇa ak er, āindein kōmij kwaļok, im āindein kom ar tōmak.
- [12] Kiiō eļañne kwaļok Kūrai bwe E ar jerkakpeje jān ro re mej, ekōjkan jet iaami rej ba bwe eļjeļok jerkakpeje an ro re mej?
- [13] A eļañne eļjeļok jerkakpeje an ro re mej, Kūrai e ar jab jerkakpeje:
- [14] Im eļañne Kūrai e ar jab jerkakpeje, innām am kwaļok jekṡoṡon, im ami tōmak e barāinwōt jekṡoṡon.
- [15] Aet, im kōm ri kōnnaan riab an Anij; bwe kōm ar kōnnaan kōn Anij bwe E ar kajerkakpeje Kūrai: Eo E ar jab kajerkakpeje E, eļañne eṡool ro re mej re jab jerkakpeje.
- [16] Bwe eļañne ro re mej re jab jerkakpeje, ar jab kajerkakpeje Kūrai:
- [17] Im eļañne ar jab kajerkakpeje Kūrai, ami tōmak jettokjan; komij pād wōt ilo jerṡowiwi ko ami.
- [18] Innām barāinwōt ro raar kiki ilo Kūrai re jako.
- [19] Eļañne ilo mour in wōt jej kōjatdikdik kōj ilo Kūrai, kōj armej in tūriaṡo iaan armej otemjej.
- [20] A kiiō eṡōj an Kūrai jerkakpeje jān ro re mej, leen ṡoktata iaan ro rej kiki.
- [21] Bwe āinwōt mej e ar itok kōn armej, barāinwōt kōn armej ej itok jerkakpeje an ro re mej.
- [22] Bwe āinwōt ilo Adam ro otemjej rej mej, āindein barāinwōt ilo Kūrai ro otemjej re naaj mour.

- [23] A armej otemjej rej jepkālōn: Kūraij leen moxtata; tokālik ro doon Kūraij, ñe ej itok.
- [24] Innām jemloḵōn, ñe Ej leloḵ aelōñ ñan Anij, aet, Jemen; ñe e naaj emōj An kaḷotloḵ kajoor otemjej an Irooj raḅ kab kieir im aer maroñ otemjej.
- [25] Bwe emman En Irooj ñan tōr eo emōj An likūt ro otemjej rej kōjdat E iumwin neen.
- [26] Ri kōjdat āliktata im e naaj jako, mej.
- [27] Bwe, E ar kōttāik men otemjej iumwin neen. A ke Ej ba, Emōj kōttāik men otemjej ñan E, e alikkar bwe E jab juon iaer, Eo e ar kōttāik men otemjej ñan E.
- [28] Im ñe emōj kōttāik men otemjej ñan E, iien eo Nejin e naaj barāinwōt make kōttāik E ñan Eo e ar kōttāik men otemjej ñan E, bwe Anij en otemjej ilo otemjej.
- [29] Eḷaññe āinjuon ren et ro emōj peptaij er kōn ro re mej? Eḷaññe ro re mej re jab jerkakpeje ñan jidik, etke rej peptaij kōn er?
- [30] Im etke jej barāinwōt pād im uwōta awa otemjej?
- [31] Ij ba kōn lañlōñ eo ippa kōn kom ilo Kūraij Jijej ad Irooj, ij mej raan otemjej.
- [32] Eḷaññe āinwōt armej I ar ire ippān kidu rawia i Epesōs, ewi an kakajooror eō? Eḷaññe ro re mej re jab jerkakpeje, jen moñā im idaak, bwe ilju je mej.
- [33] Komwin jab bōd: kōmḡao ko renana rej kakōt manit ko remman.
- [34] Komwin ruj ñan wānōk, im jab jerowiwī; bwe ejjelōk jeḷā Anij ippān jet: ij kōnono men in bwe in kajook kom.
- [35] A juon e naaj ba, Ekōjkan kejerkakpeje ro re mej? im ie āin ānbwin rej itok kake?
- [36] Kwe anāpāp, men eo kwōj jeor e jab eddek, eḷaññe e jab mej:
- [37] Im men eo kwōj jeor e, kwō jab jeor ānbwin e naaj an, a ine wōt, bōlen wit, ak juon iaan ko jet;
- [38] A Anij ej leloḵ ānbwinnen āinwōt E ar kōḡaan, im ñan jabdewōt ine ānbwinnen.
- [39] Kanniōk otemjej e jab juon wōt kanniōk: a juon kanniōkin armej, im bar juon kanniōkin kidu, im bar juon kanniōkin bao, im bar juon kanniōkin ek.
- [40] Barāinwōt ewor ānbwin i lañ, im ewor ānbwin i laḷ: a aiboojoj an ko i lañ juon, im eo an ko i laḷ āin juon.
- [41] Juon aiboojoj an aḷ, im bar juon aiboojoj an allōñ, im bar juon aiboojoj an iju kan; bwe juon iju e jab āinwōt bar juon iju ilo an aiboojoj.
- [42] Āindein barāinwōt jerkakpeje an ro re mej. Emōj jeor e ilo wabanban; ej jerkakpeje ilo jabwabōnbōn:
- [43] Emōj jeor e ilo ettoon: ej jerkakpeje ilo aiboojoj: emōj jeor e ilo moḡḡo; ej jerkakpeje ilo kajoor:
- [44] Emōj jeor e ānbwinnen armej; ej jerkakpeje ānbwin e jetōb. Eḷaññe ewor ānbwinnen armej, barāinwōt ewor e jetōb.
- [45] Āindein emōj jeje, Armej eo moxta Adam e ar armej emour. Adam eo ālik E jetōb in kemour.
- [46] Ijoke eo e jetōb e ar jab moxta, a eo ej armej; im tokālik eo e jetōb.
- [47] Armej eo moxta e jān laḷ, ri laḷ: Armej eo kein ka ruo E jān lañ.
- [48] Āinwōt eo ri laḷ, āindein ro ri laḷ: im āinwōt Eo ri lañ, āin deḡ ro ri lañ.

- [49] Im äinwõt jaar bōdañe wāween eo ri la], barāinwõt je naaj bōdañe wāween Eo ri lañ.
- [50] Kiiō ij ba men in, ro jatiō, bwe kanniōk im bōtōktōk re jab maroñ bōk aer jolōt aelōñ in Anij: im wabanban e jab bōk an jolōt ilo jabwabōnbōn.
- [51] Lo, ij kōnnaanōk kom juon men eo ettino: jab kōj otemjej je naaj kiki, a kōj otemjej je naaj äinjuon,
- [52] Ilo būkkinkwōle, ilo rom, ilo jilel eo āliktata: bwe jilel e naaj jañ, im ro re mej re naaj jerkakpeje re jabwabōnbōn, im kōj je naaj erom äin juon.
- [53] Bwe emman wabanban in en kōᅇak jabwabōnbōn, im mej in en kōᅇak banmej.
- [54] A ñe emōj an wabanban in kōᅇak jabwabōnbōn, im emōj an men in men in mej kōᅇak banmej, innām e naaj jejjet naan eo emōj je, Mej e jo ilo anjo.
- [55] O mej, ewi am anjo? O mej, ewi am kein ire?
- [56] A kein ire an mej jerōwiwi, im kajoor an jerōwiwi kien eo:
- [57] A kamᅇoolol Anij, eo Ej letok ñan kōj anjo kōn ad Irooj Jijej Kūraj.
- [58] Innām ro jatiō, kom jitōnbōro, en rim būruemi, im kibria, im en ewor tokjemi iien otemjej ilo jermal an Irooj, bwe komij jeļā bwe ami jermal e jab jekdoᅇon ilo Irooj.

#### JEPTA 16

- [1Ko 16.1] Kiiō kōn aine men in leļok ñan ro remman, äinwõt I ar kaiñ eklejia ko i Galetia, äindein komwin barāinwõt kōmman.
- [2] Ilo raan eo mokta ilo wiik otemjej jabdewōt iaami otemjej en kamakeļok iaan ᅇa ippān äinwõt an jeraamman kake, bwe en ejjeļok aine ñe ij iwōj.
- [3] Im ñe ij iwōj, ro kom ļomᅇak remman, im naaj nōbar er ilo lōta, I naaj jilkin er ļok bwe ren bōkļok ami men in yokwe ñan Jerusalem.
- [4] A eļaññe emman bwe in barāinwõt ilok, re naaj karwaanļok eō.
- [5] A I naaj iwōj, ñe emōj aō etal ilujen Masedonia; bwe I naaj deļok Masedonia.
- [6] A bōlen I naaj pād ippemi, aet, im kañōneañ, bwe komwin jipañļok eō ñan ijo jabdewōt I naaj ilok ie ļok.
- [7] Bwe I jab kōᅇaan lo kom kiiō ilo ial eo ļok; bwe ij katmāne in pād wōt ippemi ewor iien eļaññe Irooj e naaj letok ñan eō.
- [8] A I naaj kattar i Epesōs ñan Pentekost.
- [9] Bwe emōj kapeļok juon aor eļap ñan eō im itok limoō, im elōñ ro rej juᅇae.
- [10] □A eļaññe ej iwōj Timote, komwin lale bwe en pād ippemi im jab mijak; bwe ej jerbale jermal an Irooj äinwõt ña:
- [11] Innām ejjeļok armej en kajekdoᅇon e. A komwin jilkintok e ilo aenōmman bwe en bar itok ñan ippa: bwe ij katmāne en karwaantok ro jemjein jemjaten.
- [12] A kōn jeed im jated Apollōs, I ar kanooj akweļap ñan e bwe en iwōj ñan kom ippān ro jemjein jemjaten: im e ar jab kōᅇaan iwōj kiiō; a e naaj iwōj ñe ej lo iien emman.
- [13] Komwin ekil, jutak pen ilo tōmak, komwin kōmman äinwõt emmaan, komwin kajoor.
- [14] Men otemjej komij kōmanman, komwin kōmman ilo yokwe.

- [15] A ij akweļap ñan kom, ro jatiõ (kom jeļã ro nukwin Stipenas, eo leen moxtata i Akeia, im raar make likūt er bwe ren jermal ñan ro remman,)
- [16] Bwe komwin kipiliie ñan ro aierwõt, im ñan jabdewõt eo ej jipañ im jermal ilo jermal in.
- [17] Ij mōñōñō kōn an itok Stipenas, im Fortuentōs im Akeikōs: bwe raar kōketok eõ kōn men eo I kar aikuj jãn kom.
- [18] Bwe raar kōkããl aõ im ami: innãm komwin kile ro aierwõt.
- [19] Eklejia ko ilo Esia rej yokyokwe kom. Akula im Priska re kanooj yokyokwe kom ilo Irooj, kab eklejia eo ilo imweir.
- [20] Jemjein jemjaten otemjej rej yokyokwe kom. Komwin yokyokwe doon kōn mejenma ekwōjarjar.
- [21] Ña Paul ij yokyokwe kom kōn eļtan peiõ.
- [22] Eļaññe jabdewõt armej e jab yokwe Irooj, en anatema. Ad Irooj ej itok.
- [23] Jouj an Irooj Jijej Kūraij en pãd ippemi.
- [24] Aõ yokwe en pãd ippemi otemjej ilo Kūraij Jijej. Amen.